

SCRIPT OF MORNING GOJRI NEWS BULLETIN 1SEP 1015 HRS

مارننگ گو جری نیوز بلیٹن مورخہ 1 ستمبر 2025

یوہ آکاشوانی جموں ہے باغ علی طاہر تیں خبر سُنو۔

HM JAMMU VISIT

مرکزی وزیر داخلہ امت شاہ اپنا جموں دورہ غے دوران بدل پٹھن تے سیلاب تیں متاثرہ علاقان مانہہ ریلیف تے بچاؤ کماں گو جائیزو لین تیں علوہ قدرتی آفات تیں ہوا نقصان غو اندازو لاریا ہیں اپنا اک روزہ دورہ غے دوران وزیر داخلہ جموں گا سیلاب زدہ علاقان گو ہوائی سروے کرن تیں علاوہ راج بھون مانہہ اُن نانہہ لیفٹیننٹ گورنر منوج سنہا وزارت داخلہ گا عہد پداراں تے یوٹی انتظامیہ غی طرفوں متاثرہ علاقان مانہہ جاری بچاؤ ریلیف تے باز آباد کاری غا کماں بارے جانکاری دتی جائگی۔

MHA DAMAGE TEAMS

مرکزی وزارت داخلہ نے جموں کشمیر تے اس غی گوانڈی ریاستاں ہماچل پردیش اُترکھنڈ تے پنجاب واسطے بین وزارتی مرکزی ٹیم تشکیل دتی این جہڑی پہاری بارشاں غی وجہ نال پیدہ ہوئی سیلابی صورتحال ت زمین کھسکن غا واقعات سنگ ہوا نقصان غو تخمینو لاویں گی وزیر داخلہ امت شاہ غی ہدایت غے مطابق یہ ٹیم متاثرہ ضلعان غو دورو لاغے سیلابی صورتحال اچانک آن آلا سیلاباں بدل پٹھن تے زمینی تودا کھسکن غا نتیجہ مانہہ ہوا نقصان غو تخمینو لاویں گی ہر ٹیم غی قیادت جائینٹ سیکرٹری سطح غو افسر کرے گو تے اس مانہہ محکمہ زراعت جل شکتی تے سڑک ٹرانسپورٹ جیسا کلیدی محکمان غا نمائندہ شامل ویں گا مرکزی سرکار صورتحال غو نزدیکی تیں مشاہدو کر رہی ہے تے متعلقہ ریاستی سرکاراں نانہہ مکمل تعاون غو یقین دوايو گیو ہے۔

CM SPORTS

وزیر اعلیٰ عمر عبداللہ نے وزیر اعظم نریندر مودی تیں جموں کشمیر مانہہ کھیڈ ٹانچہ نانہہ مضبوط بنان در توجہ دین غی اپیل کی ہے اُن گو کہنو تھو جے جموں کشمیر گا نوجوانان مانہہ بے حد ذہانت تے جوش موجود ہے ور اکثر بہتر موقعاً میسر نہ آن غی وجہ نال ان غا نکھار مانہہ کمی رہ جے گزشتہ کل وزیر اعظم غی طرفوں من غی بات پروگرام غے دوران جموں کشمیر غا نوجوانان غا کھیڈ گا جذبہ غو راعراف کرن ور شکریو ادا کرتا وان عمر عبداللہ غو کہنو تھو جے اس اعتراف سنگ اُن غی مزید حوصلہ افزائی ویگی اُنہاں نے اُمید

ظاہر کی ہے جے کارپوریٹ بھارت سی ایس آر غی رقومات غے ذریعے خطہ مانہہ کھیڈ
سہولتاں غی ترقی مانہہ اپنو کردار ادا کرے غو۔

RANA TOUR

جل شکتی محکمہ گا وزیر جاوید احمد رانا نے کل جموں شہر غا سیلاب تیں متاثرہ علاقان
چھنی تے سینک کالونی غو دورو لایو اپنا دورہ غے دوران اُنہاں نے جل شکتی محکمہ غی
طرفوں ان علاقان مانہہ پانی سپلائی غی بحالی غو جائیزو لیتا واں عہدیداراں نانہہ ہدایت کی
ہے جے ضروری خدمات غی فوری تے منصفانہ بحالی نانہہ یقینی بنایو جائے نجی پانی
ٹینکراں غی سختی سنگ نگرانی کرن ور زور پاتا واں اُنہاں نے ایسا ٹینکراوپر یڑاں نانہہ
بحران گونا جائیز فائدو چان غی اجازت نہ دین غی متعلقہ عہدیداراں نانہہ ہدایت وی کی اس
توں پہلاں جناب رانا نے اک جائیزہ میٹنگ غ دوران جموں غا ڈپٹی کمشنر تے جے ایم سی
غا کمشنر نانہہ ہدایت کی جے ٹینکراں غے ذریعے شہریاں نانہہ ولے سر پانی سپلائی
نانہہ یقینی بنایو جائے۔

EXAM POSTPONED

جموں کشمیر سکولی تعلیم بورڈ جے کے بوس نے دسویں تے بارہویں جماعتاں گا اچ تیں لیا
جان آلا سالانہ پرائیوٹ تے ہائی انیول امتحانات ملتوی کردتا این یوہ فیصلو جموں کشمیر
تے لداخ مانہہ ہون آلی پاری بارشاں غا نتیجہ مانہہ لیو گیو ہے۔ حکام نے دسیو کہ ملتوی
شدہ امتحانات گی نئی تاریخ بعد مانہہ جاری کی جیں غی۔ اُونگا جموں صوبہ غا تمام
سرکاری تے نجی اسکول اچ بند رہیں غا۔

ONLINE CLASSES

خراب موسم غی وجہ تیں جموں صوبہ غا اسکول بند ہون تیں بعد نویں تے بارویں جماعت
توڑی غا طلبہ نانہہ جت انٹرنیٹ غی سہولیت دستیاب ہے اُت آن لائن کلاسز غے ذریعے
پڑھائی جاری رکھنی کوشش کی جارہی ہے یوہ احتیاطی اقدامات طلبہ تے عملہ غی حفاظت
نانہہ یقینی بناتے پڑھائی غا تسلسل نانہہ برقرار رکھن واسطے چایا گیا اسکولاں غا سربراہاں
خاص طور ور رامین جیسا متاثرہ علاقان مانہہ آن لائن پڑھائی غا امکانات غو جائیزو لیو
جارہو ہے۔

WEATHER

محکمہ موسمیات نے پیش گوئی کی ہے کہ جموں کٹھوعہ تے سانہ مانہ پاری بارش وے
غی جد کہ ادھمپور ریاسی راجوری ارم بن دوڈہ تے کشتواڑ مانہ درمیانی تیں تیز بارش یا
موسلا دھار بارش غا امکان ہیں جہڑو 2 ستمبر توڑی جاری رے غو عوام نانہ مشورو دتو گیو
ہے کہ وی محتاط ریں تے خاص طور ور اُن علاقاں مانہ احتیاطی تدابیر اختیار کریں جت پانی
بھرن تیں مٹی کھسکن غو خطرو زیادہ ہے حکام صورتحال ور قریب تیں نظر رکھیا وا ہیں تے
عوامی حفاظت واسطے بروقت معلومات فراہم کر رہیا ہیں۔

TRAFFIC

جموں سرینگر قومی شاہراہ جزوی طور ور ٹریفک واسطے کھول دتی گئی ہیں تے متاثرہ
حصہ غا ارد گرد پھنسی وی گڈی نانہ مرہلہ وار طریقہ سنگ کٹیو جارہیو ہے مسافراں
نانہ ہدایت دتی جے کہ وہ اپنی لین مانہ رہ غے گڈی چلاویں۔
